



UNIVERSITÄTS-
BIBLIOTHEK
PADERBORN

Universitätsbibliothek Paderborn

Dormi Secvre: Vel Cynosvra Professorvm Ac Stvdiosorvm Eloquentiæ,

in qua Centvm Et Viginti Themata Oratoria. Non Solvm Stvdiosis, Sed &
Professoribus eloquentiæ, ac pietatis veræ amantibus utilissima &
pernecessaria explicantur ; Cum Indice rerum atq[ue] verborum locupleti

Tympe, Matthäus

Coloniæ Agrippinæ, 1650

XIX. De indicendo bello Sathanæ.

urn:nbn:de:hbz:466:1-39028

ornabis hac ab Adjunctis Christi: quod sit Dei charissimus Filius, Principum Regumq; Dominus, orbis universi Conditor, mortis dæmonumq; victor, Fons & Origo omnium bonorum.

In II. PARTE Utilitas huius Sacramenti proponatur.

PRIMÒ: Ea in pugna nobis est adjumento, quam cum Dæmone, infensissimo salutis nostræ hoste, continuâ habemus: quia non minus Christus Dæmonium vires per hoc Sacramentû debilitare potest, quàm olim, obita morte, suo ad inferos descensu ipsos perdomuit. *Angebis hac ab inaudita Demonis erga nos invidia, incomparabili fortitudine, astutia, & summa eius servitutis gravitate, quæ omnes in hoc prælio victos perpetuû manebit.* SECUNDÒ: Omnem cœlestem gratiam hoc Sacramentum mortalibus confert. Non enim omnium bonorum Authorem suis quisquâ excipere potest ædibus, quin singulari etiâ ratione ab ipso locupletur.

In PERORATIONE suadebis Audit. ut frequenter cibum hunc spirituales & animæ sumant, quo & gratum in Christum pro tanto beneficio animum, & singularem in ipsum amorem, tam excellenti & Christiano homine longè dignissima actione declarent, & per arduum virtutis iter, hoc cibo coroborati, constanti & infracto gradiantur animo. (Gell. lib. cap. 8. Valer. lib. 4. de Artémisa.)

XIX. DE INDICENDO BELLO

Sathana.

EXORDIUM à querela: Quod etsi omnes mortales innumerabilibus hostibus cincti sint, qui interitum eorum machinantur, plurimi tamen reperiantur, qui se totos ignavia dedant, in delitiis & voluptatibus vivant, & non minus, ac si summa pace fruerentur, in utramque aurem dormiant.

Vide Libellum meum de Militia Spirituali, adjunctum Speculo Cleric.

PROPOSITIO: Prodi, ut darem consilium de bello indicendo Sathanæ, Mundo, & carni.

*Vide Cic. pro
Loge Mans.* CONFIRMATIO *constabit hoc Syllogismo*: Omne bellum, in quo Dei honor & animarum salus agitur, est suscipiendum: in hoc bello agitur Dei honor & animarum salus: ergo est suscipiendum.

PROPOSITIONEM *docebis*: PRIMÒ: quia in salutari Lavacro omnes in Imperatoris nostri Christi verba juravimus, illi nomen dedimus, Ecclesiæ castra ingressi sumus, bellum Sathanæ, & Mundo indicimus. Certè nihil potest esse gloriosius & honestius, quàm in tanti Principis castris manere, & in iisdem castitatis, patientiæ, & charitatis armis se induere. *Amplificabis hoc*. PRIMÒ *Exemplis* Apostolorum, Martyrum, Virginum, & aliorum Sanctorum, qui se fortissimè in hisce castris gesserunt. SECUNDÒ *collatione* tanti Ducis cum ducibus ac Regibus terrestribus, in quorum castris militare milites honestum & gloriosum ducunt.

SECUNDÒ *à commodis*, cum tanta gloria, pax, concordia, & dignitas existat in hac præclara militia, & tanta immortalitatis præmia victoribus proponantur: & è contrario tantus cruciatus maneat huius militiæ desertores. *Confer labores & præmia eorum*, qui terrestri Regi militant, cum labore & præmiis in hoc bello propositis.

TERTIÒ *à facili & jucundo*. Faciliorem & jucundiorè esse hanc militiam, quam illam Mundi, Carnis, & Sathanæ. Quòd probabis collatione inter vitam peccatoris, tormentum conscientiæ malæ perferentis, & viri Deum timentis, Sap. 5. v. 7. *Lassati sumus in via iniquitatis, &c.*

In CONCLUSIONE hortaberis Auditores ad hoc bellum, quod nobis viam in cælum struit.